

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

VII. An, si homo non peccâisset, Filius Dei incarnatus fuisset.

urn:nbn:de:hbz:466:1-38954

tisfecisse se cognouisset, frustra pro ipsa remissione Patrem orasset. Resp. Christum Dominum orasse, non ut precibus suis suppleret aliquid, quod satisfactioni sua decisset, sed quia ex ordinatione diuina vna ex actionibus, quibus Christus nos a peccatis redimere, & pro illis satisfacere debebat diuinam iustitiam, erat oratio; Vnde Is. 53. inter alias actiones, quae à Prophetâ enumerantur, quibus Christus pro peccatis hominum satisfacere debebat, ponitur oratio, quam Deo Patri obtulit pro transgressoribus; Ideo dissipatam ei plurimos, & fortium diuidet spolia, pro eo, quod tradidit in mortem animam suam, & cum sceleratis reputatus est: & ipse peccata multorum tulit, & pro transgressoribus regauit.

SECTIO VII.

An si homo non peccasset, Filius Dei incarnatus fuisset.

Sensus questionis est, an vi illius decreti, quo statuit Deus, ut Verbum diuinum carnem assumere, quodq; per scripturas sacras nobis innovuit, facta fuisset Incarnationis, et si primus homo non peccasset.

Dux autem sunt super hac questione Theologorum sententiae, ambæ maximè probables, & pietati consentaneæ; utramque hinc breuiter explicabimus, vt cuique liberum sit (cum nihil super hac re ab Ecclesia definitum fuerit) eam, quæ magis arriserit amplecti.

Prima est eorum, qui negant Adamo non peccante Filium Dei fuisse incarnationem, quod probant 1. auctoritate scripturarum, quæ varijs in locis nullum alium finem proponit, cur Filius Dei sit incarnatus, quam generis humani redemptionem: S. Luc. 19. *Venit Filius hominis querere, & salvum facere, quod perierat: S. Ioan. 10. Ego veni, ut vitam habeant, & abundantiam habeant; 1. ad Timoth. 1. Christus Iesus venit in hunc mundum peccatores salvos facere.*

Fro.

Probant 2. auctoritate SS. Patrum S. Leonis ser. 3. in Pentecost. Si homo ad imaginem Dei factus in suo honore natura mansisset, nec diabolica fraude deceptus à lege sibi posita per concupiscentiam deviasset, creator mundi creatura non fieret: S. Iren. lib. 5. aduersus haereses c. 14. Si non haberet caro seltari, nequaquam Verbum caro factum esset: S. Greg. lib. 4. Reg cap. 1. Si Adam non peccasset, Redemptorem nostrum carnem subire non oporteret: S. Aug. ser. 8. de Verbis Apost. Si hom non perisset, Dei Filius non venisset.

Secunda sententia est eorum, qui assertunt, Verbi divini incarnationem, tanquam maximum nobilissimum & perfectissimum diuinæ sapientiæ opus, à Deo intentum ac decretum fuisse ante quamcumque puram creaturam in particulari consideratam, ac proinde ante prævisionem peccati primi hominis ut determinatè futuri, secundum nostrum concipiendi modum.

Probatur primò ex c. 8. Prou. Dominus possedit me in initio viarum suarum; vel, ut septuaginta interpretes vertunt, Dominus creauit me in initio viarum suarum, antequam quidquam ficeret à Princípio, ubi de se loquitur sapientia incarnata, seu Christus secundum humanitatem, ut doget S. Amb. lib. 1. de fide cap. 7. & probat ex illa particula Dominus, nam Christus secundum diuinitatē non potest Deum appellare Dominum suum, sed patrem; cum ergo ibi appetat eum Dominum, sequitur, quod de se loquatur secundum humanitatem: quod etiam docent alij SS. Patres; nam, cùm Ariani ex hoc loco probare conarentur Christum esse creaturam, respondebant SS. Patres locum illum intelligi debere de Christo secundum humanitatem, ita S. Athan. ser. 3. & 4. contra Arianos S. Cyril. Alexand. lib. 4. Thesauri cap. 4. 6. & 8. S. Aug. lib. 1. de Trinitate cap. 12. Si ergo Christus secundum humanitatem est initium viarum, id est operum Dei, cùm id non possit intelligi de ordine temporis, sed de ordine diuinæ intentionis, & æternæ prædestinationis; hinc sequitur Christum secundum humanitatem fuisse intentum ante omnes alias creature, atque adeò ante prævisionem pec-

cati

cati primi hominis. Quod confirmari potest 1. ex eo, quod idem Christus Dominus ab Apost. ad Coloss. cap. 1. vocatur *Primum genitum omnis creaturæ*; loquitur autem de Christo secundum humanitatem, ut exponunt ibi S. Hieron. & S. Anselm. unde S. Cyril. lib. 10. Thesauri cap. 4. dicit, Christum vocari primogenitum, quatenus homo est, unigenitum verò, quatenus Deus est. Confirmari potest 2. ex his Apost. verbis 1. Cor. 3. *Omnia vestra sunt: vos autem Christi*; *Christus autem Dei*; quibus verbis Apost. dicere intendit, quod, sicut omnes alia creaturæ propter hominem facta sunt, & ex consequenti ipse homo à Deo ante illas est intentus ut finis illarum; sic ipsi homines omnesque alia creaturæ propter Christum Dominum facta sunt, & ex consequenti Christus ipse prior ipsis à Deo intentus est.

Probatur 2. ex S. Aug. lib. 1. de nuptijs & concupiscentia. cap. 21. vbi dicit illud, quod de Sacramento Matrimonij habetur apud Apost. ad Ephes. 5. *Sacramentum hoc magnum est, ego autem dico in Christo, & in Ecclesia, implendum fuisse in statu innocentia, si homo in illo perficeret, unde sequitur secundum illius intentum, etiam Adamo non peccante Christum incarnandum fuisse. In eadem sententia sunt multi alii SS. Patres ut S. Cyril. Alex. lib. 5. Thesauri cap. 3. & 12. S. Anf. lib. 1. cur Deus homo; Rupertus. 1. 3. de gloria & honore Filij hominis, vbi ex professo illud probat. His merito annumerare possumus Beatæ memorie Franciscum Salesium olim Episcopum Gebenensem, qui in suo theotimo seu tractatu de diuino amore lib. 2. cap. 4. eamdem sententiam clarissimè pro more suo explicat & tueretur, eamque dicit se collegisse ex attenta consideratione scripturarum ac doctrinæ SS. Patrum.*

Probatur denique hanc ratione: qui ordinatè vult, is post intentum finem prius vult media propinquiora fini quam remotiora: at Deus ordinatè vult id, quod vult; & ultimus finis, quem intendit, est bonitatis ac gloriae suæ manifestatio, propter quam omnia alia extra se vult & operatur: unde sequitur, quod post hunc finem intentum

tum

tum prius velit media illi propinquiora, quām remotiora; atqui Incarnatio est medium propinquius diuinæ gloriæ, quām humani generis redemptio, estque in se longè excellentius, & ad diuinā gloriam manifestandam aptius, cum Christus solus, quatenus Deus & homo, multo maiorem gloriæ Deo reddere possit, quām vniuersi angeli & homines, qui creati aut redempti fuerunt, imo qui sunt possibles: ergo Deus prius ipsius Christi Incarnationem voluit, quām generis humani redemtionem, ac proinde ipsum Christum non propter homines primò & principaliter, sed potius & homines & Angelos, & quascunque alias creatureas propter ipsum Christam esse voluit.

Vtraque sententia probabilis est, ut diximus; secunda tamen videtur probabilior, tum ob ea: quæ in eius probationem allata sunt, tū etiam quia authoritates scripturæ & SS. Patrum (quæ in probationem prioris sententiae citatae sunt) facile possunt explicari.

Quod enim spectat ad ea scripturæ loca, in quibus dicitur Christum venisse ad peccatores saluandos, fatemur illud esse verissimum; quamuis enim primò & principaliter ante cuiuslibet peccati prævisionem à Deo Christi Incarnatio intenta fuerit, hoc tamen non obstat, quin præviso postea Adami peccato, totiusque generis humani lapsu, eadem Incarnatio quasi secundariò & minus principaliter ad illius restorationem diuinitus ordinata fuerit; & sic vtrumque verum est, & Christum venisse ad saluandos homines, & nihilominus ante quamcumque creaturam à Deo intentum fuisse.

Ad illud autem, quod aliqui SS. Patres dicunt Adamo non peccante Christum non fuisse venturum, dicendum est hoc verum esse, si intelligatur Christum non fuisse venturum eo modo, quo venit, hoc est in carne passibili; neque ea facturum fuisse aut passurum, quæ humana salutis causâ fecit & passus est.

• 65 •

CA